




壽陽縣志卷之九

人物志下

列女

明



岳曇妻武氏適曇侍孀嫂如姑禮曇卒氏年二十有五
撫孤子崇及夫之猶子正皆能成立相繼登賢書崇授
直隸河間府同知正授陝西清水縣令宏治改元有司
以事聞詔下旌表卒年八十有三都御史陳璧撰墓誌
其略云婦姓武氏榆次人父立讀書好禮爲鄉里推重
母鞏氏閨門甚肅婦柔懿靜莊言動遵曹大家矩度父

母特鍾愛之時處士學耆喪厥偶聞其賢往聘焉遂許而歸之自入門克謹婦道處宗族待如婢下至戚獲恩義罔不周洽佐夫起家貲產甲一邑每恨舅姑背棄之早凡歲時祭祀必躬必親必盡哀而後已正統庚申歲大祲邑民幾無生意處士謀於節婦卽曰吾聞多財貴賤施否則守錢奴耳矧今明詔渙頒容可後耶處士遂忻然出粟二千石輸官民賴全活者甚多事聞朝廷賜勅獎諭勞以羊酒蠲徭役立石旌爲義民迨今人猶榮之歲甲子處士卒節婦毀形哀慟絕而復蘇者至再殆無意於人世於時崇甫七齡人皆指而勸曰岳氏一脈

在此孤耳爾可輕生耶節婦是其言斂棺葬祭悉如禮遣崇入邑庠攻舉子業常夜治絲枲居其旁誨之曰爾若砥礪志行能亢厥宗則爾父爲不死我死亦無憾矣崇泣受命領成化乙酉鄉薦節婦愈堅厥操縞衣素食終始不渝有司上其事詔旌其門以勵薄俗歲丁未崇入舉進士不第以爲有命及母老不獲祿養遂就今官每於退食母必戒飭曰當官之法有三事曰清曰慎曰勤爾能盡心體悉便是孝子也崇受命益謹甚有聲於時焉

節舊志

生員賈文林妻徐氏徐茂之女文林應鄉試卒於省遺

孤秦方四歲氏年二十餘有勸之嫁者遂截髮以明志
事姑孝勉秦讀書充儒學廩膳生娶陳旭女秦亦應試
客故遺孤侃方襁褓陳氏送葬欲從之死以救免躬親
紡織教侃力學中正德癸酉經魁事聞姑婦同旌表
舉人袁萬里妻傅氏廩膳生傅琰女歸萬里孝事舅姑
夫卒無嗣家甚貧窘氏年二十有三與鄰孀趙氏同事
紡織自給
舉人吳冠妻趙氏主簿趙儒女冠卒無子家計寥落不
能自給窮餓守志與傅氏互相依倚縣令徐有仁弁以
其節操聞於巡撫檄憲給粟帛贍養

岳思仁妻任氏思仁有膂力嘉靖乙巳春應募赴邊八
月十五日從張指揮王千戶等三百餘人出戰至木閣
峪被圍凡十有六日死之任氏年二十有九聞夫歿欲
自盡人力勸乃已父母以其年少欲嫁之氏曰夫以忠
義死我愧節非婦也甘窮餓終身縣令白檀時加優恤
生員閻大輅妻武氏武壽之女大輅歿年甫二十舅姑
以其少欲強之嫁氏號泣求自盡慰之乃已日紡織以
奉事撫遺孤雷爲太學生歷任臨壽沾化丞

張良臣妻石氏壽官石文斌女夫早年嬰疾氏知其不
可爲自分決死預爲成棺及懸纊乃潛入別室自縊家

人救免語之曰人死不難獨不念姑老子幼乎遂極意奉姑教子年逾六十貞靜孝慈鄉人稱之

閻洪範妻李氏嘉靖二十年八月邑遭寇亂氏被掠欲辱之遂罵以死洪範痛氏死節烈至老不復再娶

任善妻王氏廩膳生王慶女年十七適善逾年夫歿時翁姑已先逝其家人及所親勸之再適氏以死自誓苦節四十餘年卒年五十有九

廩生張元慶妻莫氏年二十有五夫歿甘窮守志訓撫二孤備嘗艱苦長日翀有文名嘉慶楊某獎以額曰貞節之門

吳思恩妻李氏年十七適思恩思恩卒撫孤子陳謀爲廩膳生謀亦盡孝有司表其門

王勝妻郝氏夫歿自縊解其懸得生遭寇扶舅姑匿山谷中瀕死者數終得免人以爲孝感撫孤來聘仕歷行人主事受榮封兼以節孝奉勅旌表

生員李賓妻趙氏年十七適賓賜八年夫疾篤趙氏悲泣絕粒及歿誓死以殉族屬曲諭乃採薪及野菜兼勤女紅以自給撫三孤皆成立長日水官儒學訓導氏年八十有五而卒

吳鎮妻李氏早寡極貧養以女紅自給教子樸爲邑庠

廩生壽八十終

生員岳凌晉妻張氏夫歿撫遺孤備嘗艱辛或勸之嫁氏曰吾不死特爲岳氏孤耳後其子鎮東舉於鄉爲沙河尹奉勅旌其門

王冕妻趙氏子存道妻閻氏存德妻趙氏二世姑婦相繼守節嘉靖三十一年監察御史吉某移檄優獎表之曰一門三節

監生賈調元妻邢氏調元歿之嗣氏堅守志節以終
李崇倉妻冀氏夫歿時年十有九
任天惠妻安氏夫歿苦節撫孤

弓瓊妻朱氏夫歿家貧甚撫孤爲邑增廣生家仍貧苦節數竟以苦節終

張應斗妻白氏早寡撫孤爲邑增廣生家仍貧苦節數十年

李廷明妻趙氏夫歿於寇亂堅志撫孤

王廷慶妻周氏夫歿堅志撫孤

按廢州志作敖

王天禹妻閻氏夫歿以苦節終

廩生關洪化妻傅氏夫早歿堅貞以終

生員孫光先妻王氏王廷舉女年十八適光先光先歿無子節操四十餘年卒年七十有六

馬廷卿妻劉氏年二十有三夫歿遺子尙在襁褓撫之
成立苦節五十餘年

魏汝成妻趙氏趙彥賓女年十九適汝成三年夫歿遺
子樸方月餘苦節撫孤五十餘年

明御史吳玉妾張氏玉五十餘無嗣娶張氏生二子玉
督糧河南卒於官氏年二十堅志撫孤及李自成之亂
索餉紳士嫡傅氏被繫氏請以身代刑獄備受因泣語
家人曰吾何難一死以兩孤兒未成吳氏一脈係此耳
後兩子運隆運泰皆年少爲諸生有文名尋相繼殞氏
辛勤撫育二孫爲延訪名師教率以底有成

國朝

生員馬煜妻郝氏年二十三歲夫歿撫孤天衢入庠食

廩子又歿撫幼孫節操四十有二年而終

按煜通志作煌

省祭傅廷選妾解氏年二十五選歿子傑在襁褓氏善
事嫡堅志節卒年七十有五

生員郝昌妻李氏夫歿氏年二十有七事姑盡孝道長
子懋德八歲次子懋蘭四歲撫育教誨二子俱入庠食

廩孫雲龍雲翼亦列名巒序

郝文英妻吳氏年二十有二夫歿子聯科甫三歲撫之
成立苦節三十餘年

梁某妻趙氏夫歿時年二十有三家甚貧氏紡績奉事舅姑及卒辛勤竭力以營喪葬撫教遺孤礎十六歲列爲諸生

生員劉銘妻杜氏年三十與妾楊氏年二十二孀居共撫二歲遺孤文進底於成立備極艱辛五十餘年以雙節受旌

生員李養才妻閻氏年二十七夫歿遺孤瑜方八歲增五歲疋在腹也苦節撫育養蠶恆不繼而教子彌篤後瑜及增疋俱有文名起家

生員孫枝秀妻劉氏枝秀早歿無子氏年二十有五堅

志四十一年縣令吳某表其節

廩生孫宏業妻岳氏夫歿時年二十有八遺二子俱幼氏窮苦撫教次子世振爲庠生壽八十餘終

生員王讚之妻邢氏夫歿時年二十有一子章武尙在襁褓氏撫教爲庠生節操五十餘年

生員王章武妻趙氏苦節三十餘年子陞爲邑庠生生員安學顏妻李氏夫早歿氏勵節操治家嚴肅子九鼎後爲貢生九岳爲庠生

霍繼光妻李氏夫歿時年十七有遺腹子母家憫其窮苦屢勸再適氏曰霍氏無子尙欲守死不嫁况今幸有

此兒願甘藜藿也撫孤唐成立節操三十餘年

趙訥妻王氏庠生連城之母訥早歿子連城南九歲堅志撫孤至六十八終

監生潘毓正妻王氏毓正歿遺孤五人氏教子勤學皆成立邑庠生宗鼎其第五子也宗鼎妻傅氏事姑以孝聞宗鼎之子監生爾介早卒妻李氏貞靜守志奉姑教子鄉黨稱其一門賢節

李某妻張氏幼適李氏未婚康熙辛巳七月歸甯母家母命其紡績牆外樹下有少年見氏幼弱欲辱之因不從遂逼以刃被重傷母聞喊趨救少年逃去氏乃招其

夫至告以巔末遂自縊其夫鳴之官於是執少年付諸法

生員祁文溥妻張氏年二十夫歿舅姑老子樹楷僅二歲堅貞矢志孝事慈教後其子弱冠列爲諸生請於有司得旌表

劉世輔妻李氏年十七歸世輔僅十月世輔卒氏堅意求死其家防之甚至半載後稍弛得間自縊有司表其門

張膽妻李氏年二十有七膽歿氏剪髮明志舅姑病祝天願代營喪葬盡禮夫猶子少孤撫之嫁夫之姊妹之

女尤爲鄉黨所稱

候選縣丞潘翊鼎妾王氏年二十有四翊鼎歿堅志撫孤成立子卒撫諸孫教育備至曾孫皆能以文名

李文明妻王氏年二十有一夫歿事舅姑以孝孤維端甫二齡撫教成立爲諸生有文名乾隆三年旌入祠

張苗妻李氏年二十有七夫歿遺孤晉璧甫四月苗有兄曰根卒遺一子甫歲周氏備極艱辛撫育兩孤愛憐之如一俱得成立晉璧能勤學列爲諸生乾隆四年旌入祠

趙如梅妻高氏年二十有四夫歿堅志節事姑尤以孝

稱姑病衣不解帶者數年家故貧以紡績所易俾子觀光得就師受學列爲諸生食廩氏性和平待姻戚以禮解推不吝乾隆八年旌入祠

王通妻胡氏年二十有七夫歿無子堅志節凡三十六年乾隆十年旌入祠

傅龍妻王氏年二十有一夫歿堅志節孝事舅姑喪葬盡禮撫孤子既授室數載子媳竝亡撫孫二人日玃日璽比成立又相繼不永復撫諸曾壽九十終乾隆十一年旌入祠

廩生傅玃妻陳氏年二十有八夫歿依孀祖姑王氏撫

三子俱成立乾隆十一年旌

榮志士妻劉氏年二十有六夫歿撫孤成立事舅姑以孝聞乾隆十一年旌

王述義妻王氏年二十有二夫歿堅志節教子賜瑛列爲諸生夫之猶子撫之同己子乾隆十三年旌

鈕遂性妻李氏年二十有七夫歿家極貧以織紵爲生事舅姑盡孝養撫遺孤三人咸成立苦節三十四年乾隆十三年旌

監生王廷鳳妻李氏年二十有七夫歿遺子二人曰晉日浩俱幼舅姑年各八十孝事撫育備至以苦節乾隆

二十年旌入祠

生員王朝美妻郭氏年十八夫歿無子剪髮自誓茹苦守貞姑老且病起居必抱持鬻巾幌以供甘旨喪葬盡禮生平足不踰閭閻黨罕識其面以夫之猶子化遠爲子教之成立爲諸生乾隆二十六年旌入祠

邊謐妻王氏年十九適謐二十餘日謐卽以謀食外出不通音耗者二十七年人皆傳爲已死勸之改適氏堅志不從舅以尋子故竟卒於歸化城氏竭力經營得以喪歸安葬遂隻身紡織度日後謐自歸尅贏幾不可識氏晨夕扶持無怨言年五十得一子人以爲賢婦之報

署縣令王謀文表其門

王尊賢妻霍氏年二十有七夫歿孝事舅姑撫孤及夫猶子成立里黨稱之

張九龍妻冀氏年二十有六夫歿守志知縣龔導江給匾表其門

段林妻陳氏年二十有八夫歿足不踰閭撫孤二人長位中次育中皆爲諸生知縣龔導江給匾表之

段承謀妻康氏年二十有三夫歿事孀姑以孝稱撫孤子建中入國學知縣龔導江表其門

按謀州志作謨

段光祚妻丁氏年二十有八夫歿孝事舅姑撫育三子

壽九十八終凡三次邀賜粟帛其孫闕中舉武科及諸

孫曾列諸生皆及見之

按段州志作股誤

生員趙瑄妻喬氏年二十有四夫歿苦節四十餘年子承光列爲諸生

武生王發祚妻杜氏年二十有七夫歿事舅姑盡禮撫孤子二人成立家故饒能周其里黨

趙廷棟妻傅氏年二十有九夫歿上有祖姑有舅在堂遺孤甫六歲氏盡孝慈藉女紅以給

傅大業妻閻氏年二十有三夫歿撫教二子事舅姑尤以孝稱

孫萬鑑妻白氏年二十有一夫歿無子堅志節後萬鑑之弟萬銀夫妻相繼歿遺子甫一月氏撫育如己子刻苦持家積金償舅及夫在時風通至四百餘自夫亡至今三十餘年以完節稱

岳慧妻郭氏年二十有二夫歿守節自誓家貧勤紡績以事姑夫之猶子二皆幼失母氏恩養之與己子皆成立卒年五十有九

生員常廷敬妻趙氏廷敬在事舅姑盡孝謹及夫歿奉養如子職教子泗儒成立今爲本營外委把總氏年六十餘矣

孫維林妻陳氏年二十有六夫歿苦節衣食恆不給氏晝夜織紉以奉事舅姑教子萬良成立歷今數十年陳萬鍾妻武氏年十九適萬鍾九載而夫歿舅姑老子幼氏事舅姑克盡子職教遺孤肖那弱冠舉於鄉後爲名宦孫元佐之妻王氏亦年二十有七守節

董鳳朝妻張氏適鳳朝卽以孝舅姑聞後鳳朝遠出他省家復貧甚舅姑疾篤氏竭蹶奉事治湯藥疾賴得起鄉人稱爲孝婦

王植楷妻閻氏事舅姑盡孝姑歿舅老疾手足不仁氏竭力事養委曲備至鄉人稱其孝舅以壽終夫亦前逝

教諸子讀書敦行見重里黨

李桂生妻郝氏年十七歸桂生克盡婦道鄉黨有孝

至二十有八甫生一子夫卽歿家貧守節勤女紅以

舅姑生事死葬以禮撫孤成立自夫亡迄今三十七年

節孝稱焉

按州志桂生作桂森

霍文華妻傅氏年二十有七夫歿霍文茂妻武氏年二

十有八夫亦歿文華伯仲越一年相繼而亡兩氏矢志

貞節事七十餘歲之姑以孝至九十餘終傅氏子一時

年八歲武氏子三長子時年九歲次三俱在襁褓撫孤

成立歷今三十餘年里人稱雙節焉知縣龔導江兩給

匾額表其門

李克寬妻張氏年二十有七夫歿遺子三氏堅志節教

子成立今三子昇爲遼州營榆社縣外委把總氏年將

六旬矣

劉漢弼妻李氏年二十九夫歿舅姑年遺遺子一未歲

氏事上以孝及舅姑歿喪葬以禮克盡子職教遺孤大

體成立今爲吏員氏年五十有八

段全妻李氏年十七適全克盡婦道越十七載夫亡無

子遺一女家赤貧氏紡織度日女長擇嫁嚙冰茹雪者

三十餘年全胞弟海妻王氏王通之女也適海時年十

五事邁舅以孝聞及海歿遺子三皆教撫有成與孀嫂
李氏並勵清操其長子恆中妻楊氏年二十一歲恆中
歿無嗣氏甘貧守節孝事孀姑一門兩世三節聯貞亦
世所罕觀云 以上舊志

王選璠妻溫氏年十五于歸家貧舅老夫多遠出氏孝
養備至者十餘年知縣瞿應咸表其門

傅永隆妻郝氏孝事舅姑舅歿姑年八十餘久病不能
起遺穢狼藉氏親洗拭衣不解帶同牀伴宿飲食以時
進必親

增生安而敬妻邢氏翁姑相繼亡祖翁祖姑年老多病
氏日夜奉侍不離飲食起居必親料理卽除穢滌污亦
不假手他人

聶允文妻焦氏年十四于歸克盡孝道翁繼娶二姑家
庭變態百出氏委曲求全六十餘年承顏順志皆得歡
心

張敷治妻韓氏年二十三夫亡矢志不移撫子成立守
節三十四年乾隆四十年旌表建坊

郝見龍妻苗氏年十八于歸數月夫亡姑亦旋逝翁繼
妾姑生二子翁亦歿氏經營喪葬盡禮事繼姑得歡心
撫幼叔不辭瘁爲夫立後教養有成乾隆五十一年請

旌

陳宗衍妻丁氏年二十四夫亡忍弗死撫遺腹子成重
事病姑盡禮姑之母無依迎養之喪葬如其姑乾隆五
十一年請旌

岳永定妻傅氏年二十七夫亡無子繼姪爲嗣復亡遺
孤三歲與婦共守撫孫成立以節終

呂法彥妻鈕氏年二十三夫亡遺孤復殤或諷改適氏
曰婦人從一豈問貧富與子嗣有無耶繼姪爲嗣勤紡
績以仰事俯育焉至五十七歲時知縣及儒學皆表其
門

王智餘妻楊氏年二十八夫亡絕水漿欲殉舅姑以方
娠勸之乃己家貧紡績以事舅姑生子撫養成立以節
終

王懋德妻祁氏年二十四夫病謂曰親老子幼奈何答
曰君有不諱身當任之夫亡健持門戶盡孝慈逾年翁
歿經營喪葬不遺餘力教子讀書成立以節終

武維安妻白氏年二十九夫亡無子甘心茹苦白首完
貞焉

張爾璽妻劉氏年二十一無所出妾周氏生三子夫亡
周亦繼歿氏仰事孀姑俯育妾子艱苦備嘗者三十餘

年州縣竝獎之

王萬載妻宋氏年二十三夫亡守節以終

弓玘法妻任氏年二十三夫亡守節以終

霍壽材妻李氏年二十三夫亡守節以終

李致彥妻陳氏年二十三夫亡守節以終

郭長治妻傅氏年二十三夫亡守節以終

閻存彝妻李氏年二十七夫亡守節以終

生員馬祥雲妻劉氏年二十七夫亡守節以終

陳福金妻楊氏年二十七夫亡守節以終

生員傅天保妻李氏年二十七夫亡守節以終

韓萬春妻孫氏年二十七夫亡守節以終

郝廷炎妻王氏年二十夫亡以節終

趙德妻段氏年二十夫亡以節終

郝應淮妻劉氏年二十夫亡以節終

郭永鑿妻郝氏年三十一夫亡以節終

梁上銳妻張氏年三十二夫亡以節終

趙存天妻安氏年二十八夫亡以節終

劉漢傑妻高氏年二十八夫亡守節知縣王興穀訓導

鄧玉麟均表其門

宋延禧妻高氏年二十五夫亡守節儒學孫于槐表其

門

孟國楨妻王氏年二十夫亡撫遺腹子苦節以終

李弼教妻霍氏年二十五夫亡貞節自守知縣胡具體表其門

王必榮妻鞏氏年二十七夫亡貞節自守知縣胡具體表其門

胡魁妻郎氏年二十八夫亡貞節自守知縣胡具體表其門

趙大醮妻李氏夫亡守節知縣張淑渠表其門
閻義極妻郭氏年二十九夫亡守節以終

祁如山妻任氏年二十一如山病謂氏曰我死幸有兒弟奉二親爾可他適氏曰我自有處如山死既葬氏歸拜其母曰兒不來矣局戶自經而死知縣瞿應咸表其門 以上據州志補

尙應通妻聶氏年十七子歸事鰥舅能得歡心撫夫之弱弟及妹亦恩義交盡家貧艱於薪米夫傭賃於外氏勤紡績以助得不窘年二十五夫歿撫三歲遺孤矢志靡他卒之舅之喪葬弟妹及子之婚嫁事賴以畢舉乾隆五十一年旌入節孝祠

陳執貴妻梁氏

趙彤雲妻任氏

趙文熾妻王氏

張炳垣妻霍氏

王延年妻丁氏

姚德行妻蘇氏

雷時閻妻張氏

鈕坊聲妻鄭氏

鈕鳳宸妻任氏

孫聚德妻郝氏

任永福妻李氏

郭青雲妻安氏

張允升妻吳氏

岳德富妻李氏

吳英立妻李氏

邊廷選妻郭氏

郭正華妻王氏

崔文照妻郝氏

崔進昇妻任氏

以上據節孝祠木主補事蹟無考

霍全德妻劉氏年十九夫歿家貧無嗣矢志守節藉紡

織以養舅姑寂守深閨鄰人罕見其面撫猶子翰青如
己出以女紅所易俾得讀書入庠乾隆十一年知縣瞿
公表其門曰溫惠淑貞

張重修妻冀氏年十九夫歿無子甘貧守節乾隆五十
八年知縣呂公表其門曰志堅金石

趙德妻段氏年十九夫歿守節知縣瞿公表其門曰矢
心完節

李興毅妻孟氏年二十一夫歿無子堅貞自矢孝事舅
姑嘉慶元年旌

劉瑗妻張氏孝事舅姑年二十二夫歿子華祝甫周歲

氏堅節撫育辛苦備嘗子稍長課讀甚嚴後入邑庠戈
學使表其門曰志矢松筠

榮昌雋妻韓氏年二十夫歿矢志守節事舅及繼姑盡
道撫幼孤映江成立嘉慶五年貢學使表其門曰節著
女宗

王運泰妻崔氏年二十七夫歿矢志靡他竭力事親苦
志撫孤卒年七十有三嘉慶八年旌

劉萬德妻孟氏年二十四夫歿家貧親老子幼氏堅志
守節躬親織紝仰事俯畜俾皆得所嘉慶十三年旌

闕相譽妻王氏年二十四夫歿守節不輕言笑人號鐵

面寡居孫學使表其門曰彤管標清

安其中妻王氏年二十九夫歿苦節撫孤嘉慶二十五年知縣鍾公表其門曰勁節流芳

聶聚德妻郝氏歸聶五年而寡家貧親老子甫三歲氏堅貞自矢以一身仰事俯育俾皆得所胡學使表其門祀節孝祠

侯廷模妻張氏于歸數月夫亡家貧親老以紡績養親克盡婦道撫姪爲嗣恩勤備至母家屢勸改適婦由是不歸甯者十餘年嘉慶間黃學使表其門曰婦德堪箴胡肯堂妻冀氏年十九夫歿孝事舅姑克盡婦道撫姪

爲嗣道光二十一年知縣王公表其門曰貞靜聯芳

增生郝興書妻閻氏青年而寡堅志守節道光二十三年焦學使表其門曰柏節松心

庠生郭象賢妻傅氏年二十八夫歿守節卒年八十有一李學使表其門曰節勁松筠

袁大勇妻程氏年十九夫歿無子鄰里有言改醮者氏必唾罵之守節數十年凡戲謔之言未嘗出諸口道光二十九年旌

王泰俊妻孫氏賦性幽貞持身淑慎年二十有八夫亡事舅姑以孝聞撫諸孤皆成立守節以終祀節孝祠

閩行盛妾武氏年二十有八夫歿既無舅姑終鮮兄弟子猶襁褓衣食不給氏苦志成孤以節終

郭贊城妻郝氏年二十有八夫歿守節事舅姑盡歡及歿喪葬以禮遺孤幼弱氏飲泣默禱賴以成立

秦榮繼室趙氏年二十有七夫歿矢志守節時有謀其田產者迫使改適氏終不爲動曰金鐵可變吾心不可變也遺孤士英士傑俱在襁褓氏盡心撫養卒至成立且事親盡孝訓子孫甚嚴家法肅然年七十餘而卒至曾孫東來登道光己亥賢書皆氏堅節撫孤之力也

任世旺繼室陳氏年二十有七夫歿舅老子孤氏孝慈

各盡守節三十年終其孫恆敬以恩增責任訓導

丁元植妻朱氏年二十有一夫歿遺孤甫數月舅慮幼寡家貧或有變志氏以死誓除夫服後擯鉛華勤紡績無少休舅憫其勤苦爲買義女使代守戶執爨之勞氏撫如己出卒年八十有三

武大庫妻冀氏年二十有七夫歿以節終

郭士梁繼室宋氏年二十有七夫歿矢志撫孤以節終李廷宰妻潘氏年二十有六夫歿子女皆幼氏謹守閨範紡績度日卒能撫孤成立以節終

馬貴隆妻郝氏年二十有一夫歿親在子幼氏俯仰勤

勞艱苦備嘗以節孝稱

監生郭星公繼室馬氏年二十有八夫歿事親盡孝撫子成立以節終

張乃翰妻傅氏年二十有九夫歿孝事孀姑慈撫遺子以節終

榮其楣繼室鞏氏年二十有八夫歿舅老子幼內外無依氏矢志勵節以終

王昌緒妻邊氏年二十有八夫歿食貧守節以終
閻繼玉妻傅氏年二十有五夫歿以節終

潘方汪妻傅氏年二十有三夫歿撫遺腹子成立謹守

婦道不輕出閫外晚年家計艱苦守法益謹若惟恐有忝清白風者子先卒其媳郝氏遵其約束亦恂恂如禮武生郭獻璋繼室王氏年二十有九夫歿遺孤俱幼氏撫養成立以節終

任永祚妻張氏年二十有四夫客死親老子幼俯仰無貲氏紡績以給衣食子成立即使不遠千里扶夫柩歸葬以節壽終

劉文玉妻陳氏年二十有五夫歿親老子幼氏茹苦含辛孝慈兼盡以節終子錫齡入邑庠

石含輝妻趙氏年二十有二夫歿事舅姑撫嗣姪胥無

間言卒年六十有三

尹俊傑妻霍氏年二十有七夫歿親老遺孤甫離襁褓氏仰事俯畜辛苦備嘗後事繼姑亦無違禮以節終

王永德妻汪氏年二十有五夫歿孝事舅姑撫遺腹子成立以節終

尙儒俊妻郝氏年二十有三夫歿舅老家貧遺女亦幼與叔同居始終無間撫嗣姪以節終

趙代儀妻安氏年二十有六夫歿家甚貧堅節撫孤後子媳俱亡復撫兩孫以節壽終

霍增福妻郭氏年二十有七夫歿時親近八旬子甫二

歲氏婦道母儀兩無所忝以節終

冀鼎妻楊氏年二十有六夫歿時舅老子元盛方離抱氏苦志成孤子長爲聘王朝卿之女爲妻王氏年二十九而元盛亦歿姑婦竝勵清節以終

監生董陽春妻蔡氏年二十有六夫歿親老子幼氏仰事俯畜孝慈交至鄉里稱賢淑焉後以節終

蘇永福妻王氏年二十有八夫歿撫孤成立守節以終
李生北繼室成氏年二十有八夫歿姑老遺孤幼弱氏奉姑撫子苦志不渝卒年七十有四

李培基繼室蔡氏年二十有九夫歿撫孤成立後子又

歿與婦撫二孫成立卒年八十有二

潘人哲妻榮氏年二十有九夫歿矢志靡他事姑撫姪克孝克慈

劉克明妻郭氏年十九夫歿撫遺腹子成立以節終

侯廷獻妻石氏年二十有一夫歿無子撫姪永命爲嗣以節終其後永命亦逝遺孤俱幼妻張氏時年二十有四亦苦志成孤無忝清操焉

任進義妻溫氏年二十有一夫歿時遺孤三歲舅且鰥瞽氏仰事俯畜境益苦志益堅以節終

袁廣士妻吳氏年二十有四夫歿時姑老子俊英尙幼

氏奉姑撫子孝慈兼盡後爲子娶魏氏子歸後十年俊英亦歿魏氏年二十七僅遺二女時祖姑尙存氏與孀姑以鍼黹紡織侍養歷數十年不倦祖姑歿氏奉孀姑益謹不以家貧無子易節一門雙節爲時所欽

王琦琳妻安氏年二十有九夫歿食貧撫孤守節以終李耀琳妾張氏年二十有七夫歿撫幼子成立以節終張永恆妻吳氏年二十有七夫歿舅老遺孤七齡氏孝慈兼盡以節壽終

趙鑑妻李氏年二十有五夫歿親老子幼氏俯仰盡心始終不怠以節終

傳體忠妻聶氏年十有九夫歿孝親撫孤以完節終

李瓊芳妻劉氏年二十八夫歿孝舅姑和娣姒以節終

陳九如妻任氏年二十有一夫歿孝舅姑勤紡績撫姪聘朝爲嗣以節終

孫永昇妻王氏年二十有八夫歿止遺二女舅姑爲擇姪詒謀爲嗣氏孝慈兼至守節以終詒謀爲邑庠增生閻宗長妻李氏夫歿年二十有七事舅姑遵婦道撫遺孤有義方守節以終

趙碩芳妻張氏年二十有四夫歿孝事衰舅以節終

趙名儒妻侯氏年二十有二夫歿孀姑衰病孝事惟殷

後孤子天殂志不稍移卒年五十有九

鄭延順妻李氏年二十有七夫歿孝事舅姑慈撫嗣姪以節終

安立正妻秦氏年二十有九夫歿家貧不辭艱苦孝事舅姑姑患痿氏盡心扶持三年無倦意有兩姪一失恃一怙恃俱失氏撫之如己國卒皆成立年六十以節終

朱周山妻李氏年二十有九夫歿守節以終

任永有妻陳氏年二十有一夫歿事親撫子不避艱辛

後親逝子亡彌增痛苦而節操益勵卒年六十有七

嚴肅遠近稱之守節以終

張廷桂妻李氏年二十有九夫歿繼姑就養氏事之無少違撫子女成立以節終

趙績緒妻劉氏年二十有二夫歿苦志成孤守節以終
監生蔡獻圖妻李氏年二十有五夫歿矢志勵節孝事舅姑後孤子義兆復早亡遺媳任氏二十六歲亦婦道克遵鄉里稱雙節焉

趙碩恆繼室張氏年二十五夫歿撫兒子爲嗣以節終
弓如彤妻李氏庠生李鱗翔之孫女也如彤以丹青爲業而孝於父母李氏實佐之如彤歿家益落氏年甫近

三十子女俱幼歲值大飢舅度食指繁不能全生欲使氏他適媒妁已將委禽矣氏向舅跪且泣曰吾夫臨終以老幼相託今若他適舉家必散許人以諾而不能信不孝又不慈何以爲人且古人有言烈女不更二夫老父見容願攜幼乞食以相奉若不見容有死而已舅心善之而自忖窘甚既愧以己累又慮婦中變執不從而戚族之勸以他適者無異詞舅有女弟見氏堅執怒叱之氏亦憤將自剄勢喧甚鄰媪詢知其故潛然曰如此義人何可多得吾家雖貧升斗之需猶可分給幸毋議再適舅意亦悔事乃得釋後氏以紡績供費用衣食皆

先舅後子而已恆忍飢凍如是者十餘年舅年近八旬以天年終氏以積勞成疾臨終召諸子曰汝父每恨讀書未成齋志以沒吾母家亦世業儒吾賴以知大義汝等苦乏資財農工商賈皆可立業然苟能自奮讀書乃汝父志也卒年四十有七

姜書山妻張氏年二十有八夫歿舅姑不見容子女在抱氏甘貧守節以終

傅懷銀妻遂氏夫以東買客死無子氏年二十有七事寡姑不失婦道雖飢寒交迫而織紵不輟以節終

傅用弼妻聶氏年十七于歸未幾夫歿後撫伯兄次子爲嗣守節以終

廩生郭汝諧繼室張氏年二十有三夫歿子殤敬事舅姑以節終

陳善妻武氏年二十有五夫歿時孀姑七旬遺孤五歲氏事撫各盡其誠守節以終

監生張雲慶繼室吳氏年十九夫歿有前室遺子女各一甫離襁褓氏撫同己出守節以終

王式玉妻吳氏年二十有八夫歿家貧親老遺子幼弱氏矢志靡他卒年五十有七

弓慶恩妻張氏年二十有五夫歿越五日氏服毒自盡

安士懿妻杜氏夫歿子女俱無夫弟偏嫁氏服毒死時年二十有二

榮喜蘭妻任氏於夫歿後二日赴井死時年二十有九
闕廣華妻王氏文科之女也于歸五年夫客死東口
訃聞氏號痛欲絕既而曰夫柩未回且待之踰年柩至
哀伏移時忽失所在家人尋覓已服毒矣急以藥解之
閉口不飲而卒及殮色如生與廣華同日葬按劉明經
葬文集五
年作二年又云文科早天葬於村外妻某氏每餐必親
供其墓家人與母家諷令他適遂不與母家往來一日
疾家人延醫診醫囑忌冷水即飲冷水數
升而卒母女並以烈著亦世所罕聞云
文義妻李氏年二十有七夫歿食貧撫孤節孝克全

冀宇洲妻吳氏年二十有九夫歿食貧撫孤節孝克全
張合垣妻章氏年二十有九夫歿食貧撫孤節孝克全
弓學官妻闕氏年二十有九夫歿食貧撫孤節孝克全
任慶元妻潘氏年二十有九夫歿食貧撫孤節孝克全
郭興宗妻王氏年二十夫歿食貧撫孤節孝克全

石鍾玉妻趙氏年二十有六夫歿食貧撫孤節孝克全
郝明泰繼室崔氏年二十有八夫歿食貧撫孤以節終
武有貴妻張氏年二十有八夫歿食貧撫孤節孝克全
張明亮妻郭氏年二十有八夫歿食貧撫孤節孝克全
潘湘妻杜氏夫偕弟貿易歸化城相繼而歿湘惟二女

第子女各二俱幼時氏年二十有八矢志靡他率弟婦
事衰姑撫子女孝慈具盡而持家嚴肅約束弟婦與女
輩足不出閨闔終歲間鄰里罕見其面者洎姑與弟婦
繼歿喪葬婚嫁一身獨理焉初以弟長子爲嗣後病故
復鞠育其孫至於成立人以女丈夫稱之

榮希曾妻孫氏年二十有九夫歿守節不渝

張圖詔妻朱氏年二十有三夫歿守節不渝

郭永利妻趙氏年二十有二夫歿守節不渝

岳光忠妻張氏年二十有四夫歿守節不渝

鄭國楷妻王氏年二十有九夫歿守節不渝

郭常舒妻李氏年二十有八夫歿奉姑撫子各盡其道

李本固妻鄭氏年二十有八夫歿子滋榮甫四歲及長

氏以母族弟之女爲媳年二十六滋榮亦歿遺孤俱幼

姑婦茹苦含辛撫養成立一門雙節鄉里稱之

霍泰榮妻郭氏年二十有一而寡撫幼孤治平成立治

平妻梁氏亦二十一歲而寡撫幼孤成立姑婦清節人

並稱之

胡道生妻韓氏年二十有七夫歿時祖舅與舅俱鰥夫

弟亦幼二子竝在襁褓舅以家貧欲令改適氏矢志靡

他撫子成立

侯宗和繼室周氏于歸逾年夫歿氏年十有七苦節自守事親撫孤孝慈兼盡

李映桂繼室田氏年二十有二夫歿撫前室遺孤上清成立越數年子亦歿時婦年二十有五與姑同心守義終始不渝

傅德純妻李氏年二十有五夫歿遺孤甫數月矢志撫育未幾舅亦棄養姑復病瘡氏延醫調疾子稍長俾之就塾藥餌束脩之資常取給於紡績

榮承訓妻弓氏年二十有九夫歿事親撫孤矢志靡他王占城妻郭氏年二十有九夫歿事親撫孤矢志靡他

郭清明妻王氏年二十有九夫歿事親撫孤矢志靡他

張泰德妻章氏年二十有九夫歿事親撫孤矢志靡他

賈安凝妻榮氏年二十有九夫歿事親撫孤矢志靡他

弓元輔妻侯氏年二十有九夫歿事親撫孤矢志靡他

溫可賓妻喬氏年二十有九夫歿事親撫孤矢志靡他

趙晉祥妻王氏年二十有九夫歿事親撫孤矢志靡他

徐敬妻王氏年二十有九夫歿食貧撫孤以節終

霍兆泰繼室李氏年二十有九夫歿堅節撫孤

霍向泰妻孫氏年二十有九夫歿堅節撫孤

尚弼道妻袁氏年二十有九夫歿堅節撫孤

李肅妻孫氏年二十有九夫歿堅節撫孤

李文德繼室閻氏年二十有九夫歿堅節撫孤

尙鉞妻趙氏年二十有九夫歿堅節撫孤

陳克銳繼室梁氏年二十有九夫歿堅節撫孤

薛宗奚妻李氏年二十有九夫歿堅節撫孤

傅凝雲妻張氏年二十有二夫歿白首全貞

陳體元妻閻氏年二十有三夫歿白首全貞

馮元昱妻聶氏年二十有五夫歿白首全貞

王一佐妻尙氏年二十有七夫歿白首全貞

劉遇鵬妻張氏年二十有九夫歿守節事姑能得歡心

後姑卒遺二子俱幼氏晝夜織紵以給衣服皆爲成室

魏純武妻弓氏年二十有二夫歿遺孤甫八月家貧無

以爲生賴其胞兄給田數畝以備飢寒後子復早亡又

撫弱孫苦節歷久不渝

朱郁殷妻李氏年二十有七夫歿遺孤方在襁褓氏甘

貧守節撫子成立

劉承業妻陳氏年二十有八夫歿家貧氏鬻妝奩以葬

之既葬姑謂之曰汝年尙幼恐不能苦守長子離乳爲

我留汝抱次子適人可也氏泣曰媳去姑誰與養且抱

子適人吾斷不忍爲也於是毀容匿跡勤紡績以奉養

姑撫二子卒以節孝見稱

趙之熙妾賈氏年二十夫歿謹事嫡室守節不渝

鄭之漣妾李氏年二十有一夫歿謹事嫡室守節不渝

王發元妾趙氏年二十有三夫歿謹事嫡室守節不渝

王德謹妻趙氏年二十有一夫歿守節不渝

張指寅妻闔氏年二十有三夫歿守節不渝

闔永昌妻武氏年二十有七夫歿守節不渝

崔有琨繼室賈氏年二十有九夫歿堅節撫孤事寡母

孀姑克盡孝道

孫煥妻武氏年二十有八夫歿守節撫孤後二子又相

繼早歿復撫兩孫成立志終不渝

趙顯謀妻李氏年二十有三夫客死氏矢志成孤事親

亦孝弟婦有子亦助之使衣履無缺

閻振宇妻趙氏年二十有一夫歿子方彌月氏矢志撫

孤事親盡孝久而不衰

邢傳周妻田氏年二十有八夫歿守節不渝

任發祥妻李氏年二十有八夫歿守節不渝

尙允中妻馮氏年二十有八夫歿守節不渝

邊久安妻溫氏年二十有八夫歿守節不渝

段永盛妻董氏年二十有八夫歿守節不渝

議敘張履謙妻閻氏年二十有八夫歿守節不渝
郭鶴舉妻鄭氏年二十有八夫歿守節不渝

監生鈕映杓妻李氏年二十有八夫歿守節不渝

李世光妻宋氏年二十有八夫歿守節不渝

要久可妻李氏夫篤學士未成名而卒時氏年二十有八矢志靡他遺孤守緒甫八齡撫之慈而有法能以母道兼父道事舅及繼姑皆能得其歡心時家計方窘凡百勤劬皆身任之雖有弟婦毫不推諉暇則紡布換花資其贏餘使子女衣履常得完整至處事待人悉合義禮尋常男子弗如也守緒弱冠入庠食廩領光緒乙亥

恩科鄉薦人皆以爲氏德所致云

溫昌光妻郭氏年十五于歸越六年而夫歿家貧無子舅姑皆衰老氏晝耕夜績艱苦萬狀以供衣食後舅姑相繼歿鬻產葬之而母家屢逼改適氏怒與爭論遂斷往來茶苦自安年六十一而終

郭彥金妻王氏彥金與父均殞身在外氏年二十有九尋其遺骸負之歸葬事慈幃撫弱息鍼黹度日艱苦備嘗而貞節不渝

韓樹功妻劉氏年二十有二夫歿事親撫子矢志靡他朱應貴妻王氏年二十有二夫歿事親撫子矢志靡他

安璧錦妻張氏年二十有二夫歿事親撫子矢志靡他
趙銘繼室孟氏年二十有七夫歿事親撫子矢志靡他
席其昌妻趙氏年二十有七夫歿事親撫子矢志靡他
郝守正妻魏氏年二十有七夫歿事親撫子矢志靡他
王奠妻閻氏年二十有七夫歿事親撫子矢志靡他
趙邦善妻王氏年二十有七夫歿事親撫子矢志靡他
進士樊爵五繼室趙氏年二十有二夫故時舅老孤幼
氏仰事俯畜各得其道以完節終

趙藝林妻晁氏年二十有四夫歿矢志守節順事孀姑
後姑與嫂相繼逝所遺姪子女胥撫養成立

郭懷玉妻岳氏年二十有四夫歿守節

張佩璧繼室李氏年二十有四夫歿守節

潘田妻劉氏年二十有四夫歿守節

郝景繼室郭氏年二十有四夫歿守節

吳振文妻李氏年二十有七夫歿遺腹生子越四年繼
姑亦生子未幾舅姑相繼歿氏撫養孤子衣哺弱弟子
稍長卽命業農令弟讀書習商里人以賢達稱之

聶啟連妻董氏年二十有六夫歿無嗣守節潛居數十
年人鮮有覩其面者

張承全妻武氏年二十有六夫歿守節姑盲於目飲食

起居莫不需人氏盡心侍養鄉里稱之

佾生鄭青藜繼室辛氏年十有八夫歿無子欲以身殉舅姑多方勸慰許以三弟之子爲嗣氏乃含涕飲泣勉奉舅姑之命後以孝慈節烈見稱鄉鄰

丁錦泰妻侯氏年二十有二夫歿無所出事姑撫姪鄉人稱之後嫂棄世諸姪衣食亦皆仰給於氏焉

郭本立妻弓氏年二十有八夫歿遺腹生子父母舅姑欲奪而嫁之氏矢志不移後父母棄世所遺弱弟甫三齡氏亦撫音成立以一人而全兩門鄉里賢之

趙萬祿妻宋氏年二十有六夫歿孝親撫孤歷久靡懈

前文水令王公道經其里曾表其門曰曹盧遺徽

張成棟妾郭氏年二十有六夫歿遺子復殤時正室已亡彙無伯叔可依乃收從堂姪張永夫妻入門爲更取一室生二子得延夫祀

王邦慶妻周氏甫定婚時邦慶偶借兇輩冰嬉腰折其父乃遣白女家使改圖女之父母不萌二心于歸後匹耦無猜夫起居需人氏服事盡道邦慶歿氏年二十有九無子以兄子爲嗣事親撫子兩無憾焉

任慶儀繼室傅氏年二十有六夫歿守節不渝

趙正基妻蘭氏年二十有六夫歿守節不渝

王加安妻崔氏年二十有六夫歿守節不渝
崔培智妻孫氏年二十有六夫歿守節不渝

弓守璠妻常氏年二十有六夫歿守節不渝
李遇春妻盧氏年二十有六夫歿守節不渝

袁九政妻閻氏初結褵甫數月夫卽生瘡疾氏日夜奉
侍勤勞五載而夫卒未幾姑亦喪明嫂氏又亡氏上事
盲姑下撫子姪辛苦百端

溫和達妻張氏年二十有五夫歿事親撫子守節不渝
武遙彰妻趙氏年二十有五夫歿事親撫子守節不渝
張瞳妻王氏年二十有五夫歿事親撫子守節不渝

朱繡章妻霍氏年二十有五夫歿事親撫子守節不渝
張東吉妻陳氏年二十有五夫歿事親撫子守節不渝
康錦文妻郭氏年二十有八夫歿姑老女幼氏仰事俯
畜從無他志遺腹生男氏志益堅然家綦貧有夫弟不
良初氏之面偶生瘡疾夫弟以爲奇貨急欲醫治氏執
不可後竟以中風斜其口眼至今常語人曰吾身所以
能保者賴此耳旣而姑病卒夫弟亦繼逝遺一女弟妻
欲抱女改適氏不忍謂他人父奪而留之視若己生焉
楊培高繼室李氏年二十有九夫歿食貧撫孤以節終
傅鶴鳴妻任氏年二十有八夫歿舅病癱瘓氏事奉四

五年無倦色遺女皆幼教養成人

傅采菽妻丁氏年二十有二夫歿矢志守節以姪爲嗣事孀姑以孝聞猶子多幼失恃氏哺養衣被無異己出家人二十餘口推氏總理內外從無閒言

趙鳳威妻潘氏年十有八而寡有娠甫六月夫易簀時謂之曰生女固勿論卽幸生男家貧無資孑立無助勿以青年自誤也氏聞之以死誓夫歿生男氏喜曰趙氏一綫可以不絕遂苦志成孤焉

庠生李高吟妻武氏年二十有九夫歿孝事舅姑撫子定中成立入邑庠無故足不踰閭尤見閭範之克守焉

吳錦燦妻趙氏年二十有一夫歿撫遺腹子成立奉舅姑克盡婦道鄉里稱之

王正鈞妻趙氏年二十有三夫歿無子矢志守節孝事舅姑 以上同治五年旌

岳光宗妻張氏年三十夫歿子方周歲家僅山田數畝氏堅守清節不憚艱辛衰姑弱息賴以全活

張泰德妻章氏年二十六夫歿守節撫育二子成立張承棟妻郭氏年二十九夫歿無子撫姪爲嗣姪又早歿氏飲泣茹苦矢志不渝 以上三人同治六年旌

劉文玉妻陳氏年二十四夫歿矢志靡他事親盡道撫

子成立

劉克明妻郭氏年十九夫歿有遺腹子堅節撫育艱苦備嘗

胡道生妻韓氏年二十七夫歿二子皆幼氏堅志撫育事祖舅及舅皆能盡禮 以上三人同治間旌

趙繼緒繼室劉氏年二十三夫歿甘貧守節撫孤成立同治九年旌

張進寶妻趙氏年二十九夫歿守節撫二子成立

解仲魁妻溫氏幼事繼姑曲盡婦道年二十三夫歿無子謹守壺範食貧勵節三十六年而終

潘森茂妻張氏年二十九夫歿守節四十九年

王豐年妻竇氏年三十夫歿守節三十年

王凝泰妻宋氏年二十六夫歿守節三十年

武生王德裕妻趙氏年二十七夫歿守節三十年

陳國弼繼室王氏撫前室子如己出事舅姑克盡婦道年二十五夫歿食貧守節卒年七十有七

吳作父妻榮氏舉人榮袞之女年二十夫歿家貧無子靡他自矢上事衰親克盡婦道下撫弱姪爲嗣恩勤備至卒使成立 以上光緒五年旌

李興耀妻趙氏事姑盡孝姑嘗患足疽醫者謂宜吮之

氏毫無難色爲吮之數十日其疽果愈

李瀛才妻劉氏年二十七夫歿舅老諸孤皆幼弟婦嬰痼疾弗能動履家又窘甚氏當之帖然也有勸之改適者氏婉謝曰爲我計誠良但我去誰與事親撫孤及調持弟婦乎竟矢志靡他事舅盡禮爲弟婦洗濯污穢了無難色舅食之餘輒令弟婦食之諸孤弗與也後以壽終鄉里賢之

王德成妻李氏年二十二夫歿守節卒年七十有七

潘朝實妻劉氏年二十夫歿撫遺腹子成立事姑復盡婦道以完節終

史輔經妻郝氏稟義性少事嫡母庶母善彌縫其隙故母氏閭儀雍睦鄉族罕比年十五歸輔經輔經固孝謹人也氏相之尤能匡所不逮一切內政整嚴節儉雖破缶敗絮必儲以待用道光十二年歲薦饑粟價騰貴日用所需半由鍼黹俾夫得以安心服買無內顧憂其子自七歲就傳以至成童所讀書必親爲裝束每增一帙皆先期計頁數多寡限某日讀畢總不令一日閒斷曰慢牛常不歇不減良驥追風也後次子殿俊未冠入庠旋食廩餼人皆謂氏之教實有以致之云

郭鎮宗妻史氏夫常貿易於外氏奉舅姑克盡孝道舅

年八十餘患癯疾八九年間朝夕奉事無少懈怠及舅
歿親族贈以匾曰賢孝可風

郝某妻某氏夫歿無子矢志守節舅擣癯疾氏毀容垢
面晨夕侍養以婦代子職者數年舅歿既葬氏以積勞
成疾而卒

弓揚英妻李氏年二十八夫歿無子家貧堅貞自矢上
事孀姑下撫族姪爲嗣艱苦備嘗卒年六十有四

某妻任氏庠生任文益之女年二十餘夫歿以家貧未
葬厝柩於堂後值歸甯聞父講未亡人之義反而自縊
於柩首 以上據採訪補

李進法妻廉氏年十八夫歿有遺腹子姑亦孀居母家
勸以改適氏泣曰親不教兒以事姑撫孤反欲兒再醮
耶由此不歸甯者二十餘年竟以節終

魏宗武妻李氏富家女也性凝靜寡言笑年二十五夫
歿家貧無子有勸之改適者氏曰婦人從一而終舍此
而往雖富貴何以見人由是謝絕鉛華紡績自給未嘗
累及父家撫姪爲嗣教養兼至尤人所難

監生任全吉妻李氏年二十七夫歿苦志成孤

弓作正妻盧氏年二十夫歿家貧以紡績供費用事衰
舅撫幼孤備極艱辛以節終

弓履正妻孟氏年二十餘夫歿守節撫孤矢志靡他
閻益恭妻高氏年二十六夫歿安貧守節事親克孝撫
孤成立

舉人韓翼堂妻吳氏年二十九夫歿撫遺孤佶成立入
邑庠以節終

趙世城妻郭氏年二十一夫歿無子守節孝事舅姑姑
歿繼姑生二子氏與共撫育艱苦備嘗賢聲達於鄉里
卒年五十有四

趙景雲妻趙氏年二十一夫歿無子甘貧守節卒年八
十有六

趙鈞慶妻劉氏年二十九夫歿無子食貧守節孝事舅
姑卒年八十有四

趙存萬妻趙氏年二十九夫歿無子守節卒年八十有
四

李鳳來妻霍氏年二十三夫歿無子於葬夫之次日自
縊以殉

李維基妻李氏性謙謹不談人短不恃己長事舅姑能
得歡心家貧衣食菲薄未嘗有愠意卒年二十有五其
舅庠生映樞爲作誄辭鄉里皆稱爲孝婦云

李福安妻龐氏年二十四夫歿家貧二子俱幼氏堅貞

自矢以紡績撫孤備嘗辛苦卒年五十有九

李離西妻程氏年二十一夫歿苦志守節逾年母家欲其改適遂自縊

李耀春妻趙氏年二十八夫歿守節孝事姑嫜慈撫遺孤卒年八十有一

李映中妻邢氏年二十一夫歿守節撫遺腹子成立事衰姑以孝聞卒年七十有六

李固枝妻陳氏年二十夫歿守節事親撫孤艱苦備嘗卒年七十有七

李培根妻陳氏年二十夫歿姑老子幼矢志靡他仰事

俯畜皆能盡道卒年八十有六後子懋修孫澤霖皆入

邑庠

吳進林繼室王氏年二十一夫歿無子守節以終

吳淑華妻郭氏年二十二夫歿守節家貧以紡績度日事姑克盡婦道撫姪爲嗣無異己出卒年七十有三

鄭藩周妾馮氏事姑能孝事嫡能敬年二十二夫歿日夜哀號人以改適慰之曰此卽吾家也何改適爲於殯

夫後數日竟自縊

鄭廷棟繼室施氏夫歿守節以終

王飛繼室鈕氏年二十九夫歿食貧守節事親撫孤克

盡其道卒年八十有一

王天保妻張氏年二十八夫歿守節事親盡孝撫孤成立卒年六十有八

王武妻汪氏年二十九夫歿守節食貧撫孤卒年五十有四

王正心妻袁氏年三十夫歿守節孝事衰舅慈撫遺子卒年七十有二

王秉志妻郭氏事舅姑克孝處婦姒以和年二十三夫歿守節卒年四十

王履正妻孟氏年二十餘夫歿撫子成立守節以終

陳九疇妻賈氏年二十五夫歿堅志撫孤卒年七十有四

陳綸彥妻王氏年二十八夫歿守節事孀姑得歡心撫孤子使成立卒年六十有五

陳克信妻趙氏年十七于歸敬事孀姑甘旨常不使缺而自奉則皆節儉子女或獲戾於姑姑呼氏切責輒長跪叩頭謝失教之罪姑不命之起不敢起也治家嚴肅子婦不敢越禮性好善一生戒食牛肉鄉里稱賢內助焉卒年八十有五

張際昌妻孫氏年十九夫歿無子撫姪爲嗣順事舅姑

以節終

生員張金鏞妻程氏年二十七夫歿守節以終

歲貢生張升秀妻任氏姑性嚴急每加撻責氏無怨意嘗語人曰分在則然耳姑年老凡有動作皆加意扶持姑有猶子年少失恃羸困待斃姑招之來氏進食除穢調養數月得平復遂留焉氏又爲之製衣履勤澣補若不知爲表舅也者居十數年爲之成室某惑於婦言每短氏始焉詬誶繼則杖毆氏皆容忍之人問故則曰彼或生前與我有宿怨耳姑見不相能乃使某外居爲人傭作氏每勸姑矜恤之及姑歿待之仍如姑生時云

張藩垣妾武氏年二十四夫歿撫屍慟哭不能成聲家人勸止之氏曰守節撫孤姊之責也吾乃餘人縱衣食豐足夫死何忍獨生是夜竟服毒以殉

張會喜妻胡氏年二十三夫歿守節事姑盡孝撫姪成立卒年四十有二

張履仁繼室郭氏年二十一夫歿守節孝事衰姑慈撫前孤卒年四十有四

張正志妻闕氏年二十六夫及弟夫婦病疫相繼歿遺二子一姪舅姑且老氏矢志靡他仰事俯育皆能盡道卒年五十有八

張居林妻蘇氏年二十五夫歿守節上事衰舅下撫幼子備歷艱辛卒年六十有二

張步斗妻翟氏年二十八夫歿無子守節奉姑卒年六十有二

張國論妻王氏年二十八夫歿守節撫四子成立艱苦備嘗卒年七十有三

張秉雋妻袁氏年二十一夫歿守節卒年七十有七

張玉輝妻田氏年二十九夫歿家貧守節撫二子成立事衰舅克孝卒年七十有二

張富如妻張氏年二十五夫歿子幼家貧有勸之改適

者氏曰人所以異於禽獸者惟在節義節義之難能而可貴者莫如貧賤吾何敢畏其難而自陷於禽獸耶茹苦含辛卒能撫孤成立以完節終

張聚武妻趙氏年二十一夫歿守節孝事舅姑慈撫幼子卒年四十有九

魏泰謙繼室穆氏性剛健知大義事舅姑以孝聞撫前室子殿盛恩義交至年二十四夫歿家貧日勤紡績謹守閨範卒年六十有七殿盛亦早卒妻成氏時年二十七謹奉姑教堅節撫孤年近七旬非有故未嘗輕出閨門云

魏宗武妻李氏年二十四夫歿二子俱幼時家頗小康
族豪某見其寡弱百端侵欺逼使改適氏不與較晝夜
紡績節衣縮食以鞠二子子又未及授室相繼歿豪某
益肆而氏志訖不變卒年七十有八而豪某被積芻焚
死一闕而財盡散人皆快之孝廉秦東來爲作傳

魏泰德妻程氏性柔順謹言慎行年二十六夫歿守節
家貧賴十指勤勞俾舅姑得飽暖撫二子皆成立尋常
非省親未嘗輕出閨門以壽終

魏泰福妻趙氏性沈靜尚勤儉年二十八夫歿無子撫
姪爲嗣料理家政井井有條以故家頗充裕凡鄰里乞
假鮮有不遂卒年六十有六先是宗武泰德妻與氏相
繼而寡共誓終身不改適後皆能踐其言云

姜建業妻任氏年十八夫歿堅貞自矢善事舅姑撫遺
孤成立以壽終

蘇萬庫妻王氏年二十四夫歿家貧親老子幼氏紡績
度日事老撫孤終無二心卒年七十有九

潘錫元妻弓氏青年而寡守節以終

馬履端妻王氏年二十四夫歿絕粒數日痛不欲生賴
家人多方勸慰乃止時二子皆幼氏勤紡績以供衣食
且嚴於課讀凡張燈演劇諸事皆禁之不使觀焉守節

四十年而卒

任廷德妻傅氏年二十七夫歿紡績灌園撫孤成立年六十有八以節終

史殿英繼室要氏事舅姑能順處娣姒能和年二十夫歿撫前室子與己遺腹子成立年四十有六以節終

賀永熹妻張氏年二十二夫歿無子矢志靡他事舅姑盡婦道姑歿遺十三歲幼子撫之恩義交至鄉里賢之卒年三十有三

郝景榮妾楊氏年二十夫歿無所出家人料其不能守節歲視之氏矢志靡他卒年七十有八

郝志敬妻王氏年二十九夫歿守節孝事舅姑撫孤成立卒年六十有七

于珍元妻孟氏年三十夫歿子幼守節撫育卒年八十餘氏本大同府人珍元質於大同因娶焉珍元卒氏扶柩歸葬兄嫂迫之改適氏默不一言而志終不變會宗族有叱其嫂者氏賴以安云

郝楷林妻任氏年三十夫歿守節孝事舅姑慈育子女卒年八十有五

董芳蘭妻趙氏年二十九夫歿無子或勸之改適氏曰吾去衰姑將誰倚乃勤女紅以養姑撫族子以爲夫後

貞白自矢卒年七十有七

徐太和妻楊氏年三十夫歿家貧紡績撫孤以節壽終
高滿所妻程氏年二十夫歿甘貧守節撫孤成立卒年
七十有三

王汝義妻郭氏年二十夫歿堅志守節孝事舅姑撫姪
成立

田珊妻李氏性質樸少文年二十七夫歿家貧無子惟
一姪尚在襁褓氏紡績餬口撫子成立所居近戲樓恪
守閨範未嘗有見其閱戲者以完節終

胡月桂妻趙氏年二十一夫歿家貧堅節撫孤成立後
子又早亡復撫孫成立卒年八十有三

胡獻琳妻張氏年二十六夫歿哀痛異常飲食不進適
母家母以改適戲氏正色拒之辭歸逾五月而卒

弓生桂妻于氏年十七夫歿遺子未滿百日氏撫之成
立以節終

弓表德妻張氏年十九夫歿敬事威姑慈撫弱息以節
終

弓明德妻張氏年二十三夫歿無子守節以終

冀守財妻王氏年二十八夫歿守節以終

關步桂妻任氏年二十八夫歿義不貳適未幾服毒死

關興德妻劉氏年二十九夫歿事親撫孤靡不盡道以節壽終

武永清妻李氏年二十九夫歿守節撫孤以壽終

侯守都妻郭氏年二十八夫歿守節以壽終

遂文碧妻趙氏年二十八夫歿堅志撫孤艱苦備嘗卒年五十有三

溫俊富妻閻氏年二十八夫歿家貧以紡績營生撫遺孤五人成立年五十有六以完節終

侯守琢妻杜氏年二十四夫歿堅志守節撫遺腹子成立

傅文全妻聶氏年二十八夫歿子幼家貧舅老氏矢志勵節勤紡績以撫孤養親後子復早亡而志終不渝
傅全貴妻李氏年三十夫歿家貧子幼紡績撫育至於成立以節壽終

尹企俊妻郝氏年十九夫歿無子舅欲奪而嫁之氏義不貳適服毒死時年二十有二

郭宗親妻李氏年二十八夫歿堅志守節撫孤成立

李長世妻安氏年二十七夫歿姑老子幼仰事俯育皆能盡道以節終

段德祥妻任氏年二十七夫歿守節以壽終

魏廣藩妻郝氏年二十四夫歿苦節撫孤卒年七十有

一
安來敘妻荆氏年二十六夫歿食貧撫孤以節終

安文書妻郭氏年二十八夫歿無子甘貧守節以終

安榮甲妻孫氏年二十四夫歿撫遺腹子成立以節終

郭熙朝妻安氏年二十五夫歿撫孤成立以節終

張枝舒妻霍氏年二十夫歿食貧撫孤以節終

霍步德妻閻氏年二十四夫歿無子守節以終

和士武妻王氏年二十八夫歿食貧撫孤以節壽終

馬妻賈氏年二十九夫歿甘貧守節撫孤成立

莫德修妻閻氏年二十八夫歿守節撫孤孝事舅姑

王來詔妻高氏年二十七夫歿撫孤成立恪守閭範

胡國楨妻郭氏年二十五夫歿堅節撫孤

孟步雲妻王氏年十九夫歿守節撫遺腹子成立事舅

姑克孝

王永圖妾胡氏年二十六夫歿守節撫遺腹子成立

張廷正妻王氏年二十八夫歿恪守閭範以完節終

趙士訓妻張氏年二十七夫歿甘貧守節撫孤成立事

舅姑尤謹現年七十有二

趙慶錫妻康氏年二十七夫歿事姑撫子備極艱辛現

年七十有二

趙筮臨妻康氏年二十七夫歿事親盡孝撫孤成立現年六十有六

趙步正妻闕氏年二十四夫歿無子矢志堅貞現年五十有二

趙有功妻路氏年二十七夫歿事親撫孤孝慈各盡其道現年五十有五

趙芳輝妻李氏年二十九夫歿無子安貧守節現年五十有二

趙齊輝妻孫氏年三十夫歿甘貧守節現年四十有五

趙秉恆妻張氏年二十八夫歿食貧撫孤現年八十

趙永保妻王氏年三十夫歿家貧無子堅貞自守現年六十有五

李培花妻趙氏年十九夫歿無子守節事親養生送死皆能盡禮現年六十餘

李箬妻張氏年二十六夫歿無子矢志靡他事孀姑克盡婦道撫夫兄次子爲嗣恩勤備至現年五十有九

李宗白妻趙氏年二十九夫歿家貧親老子幼氏事親撫孤辛苦備嘗現年六十有二

李蔭堂妻王氏年二十四夫歿事姑撫子兼盡其道現

年六十

吳秉英妻郭氏年二十五夫歿守節奉舅姑勤撫二子成立現年六十有五

王構基妻鄭氏夫歿孝事舅姑撫孤成立守節不渝

王文達妻袁氏夫歿孝事舅姑撫孤成立守節不渝

王吉謙妻杜氏夫歿孝事舅姑撫孤成立守節不渝

武生王吉人妻王氏夫歿孝親撫孤守節不渝

王大烈妻趙氏年二十七夫歿孝事舅姑撫孤成立現年六十有二

王漢玉妻蘇氏年二十二夫歿食貧撫孤後子亡復遭

歉歲幾難存活而堅守之志有死無二現年七十有八

王元吉妻李氏年二十八夫歿孝事舅姑撫姪爲嗣恩勤備至現年七十有六

王祚益妾韓氏年二十四夫歿無子堅志守節現年六十有二

王錦玉妻馬氏年二十八夫歿孝事舅姑慈撫遺孤現年六十有九

陳九安妻張氏年二十九夫歿家貧守節撫從姪爲嗣備歷艱辛現年六十有八

陳玉琛妻許氏年十七于歸舅歿姑改適氏事祖舅姑

克盡孝道年三十夫歿撫二子成立現年六十有四
韓廣佩妻董氏年二十一夫歿子幼堅節撫育事舅姑
亦克盡道現年五十有五

韓慶延妻董氏年二十三夫歿子幼紡績撫育現年五
十有三

張其昌妻張氏年二十一夫歿順事舅姑堅節撫孤現
年五十有七

馬在元妻郭氏年二十九夫歿堅節撫孤現年六十有
五

袁興德妻趙氏年二十三夫歿無子守節現年五十有

五

郝萬庫妻霍氏年二十三夫歿恪守閨範撫孤成立現
年六十有一

于彩昌妻安氏年二十六夫歿守節撫三孤成立事衰
舅克孝現年六十有五

傅咸熙妻郭氏年二十七夫歿無子事尊姑盡孝撫孤
姪能慈現年五十有二

武剛妻王氏年三十夫歿家貧勵節撫子成立

傅雲妻閻氏年二十七夫歿守節撫三孤成立現年五
十有九

許正言妻王氏年二十夫歿孝事舅姑慈撫幼孤辛苦備嘗矢志靡他

傅乾元妻馮氏年十五于歸從夫於陝西任中稱賢內助二十二夫歿以清白故無所積蓄典質釵釧扶柩歸葬安貧守節撫遺孤汝霖成立英年入庠食廩現年五十有三

董慶有妻鈕氏年二十五夫歿守節撫孤現年五十有七

賈天恩妻霍氏年二十八夫歿甘貧守節事親能得歡心撫孤不辭勞瘁現年五十有八

董鎮岐妻郝氏年二十八夫歿勵節撫孤

郭屏妻施氏年三十二夫歿守節現年七十有六

郭麟士妻陳氏年二十二夫欲出外謂氏曰待我三十年不歸可再適人氏曰男以孝翁爲先女以守節爲重君今棄父母爲不孝之子我豈肯爲不節之婦耶夫卒未歸氏貞白自守善事舅姑現年六十餘族黨無一人非之者

郭學身妻馮氏孝事舅姑勤理家政年二十六夫歿撫幼子成立現年五十有九

徐威妻潘氏年二十七夫歿無子家貧矢死靡他以紡

續養姪絕不受人周卹現年六十有三人未見其倚門而立惟清明祭掃親負杖鋤而往培植松柏及除惡木鄉里賢之樵芻者皆不入其墳云

高需妻李氏年二十九夫歿無子家貧守節撫姪爲嗣教養兼盡現年六十

高維翰妻朱氏年二十九夫歿矢志靡他現年六十有九

丁相樞妻闕氏夫歿孝事舅姑撫孤成立守節不渝

弓中鵠妻姜氏年二十六夫歿堅貞自矢事親撫子皆能盡道現年六十有二

劉廷楫妻闕氏年二十九夫歿矢志靡他撫孤成立

闕占榮妻聶氏年二十二夫歿矢志守節撫孤成立事舅姑克孝現年五十餘

闕永昌妻張氏年二十七夫歿二子皆幼舅姑早逝事祖翁姑以孝聞現年七十有三恪守清規非親族不得見其面

聶珍清妻董氏年二十四夫歿家貧己雖糟糠不給必爲姑市甘旨後姑以老病在床氏日夜伏侍歷久不息葬姑後人有言改適者氏慨然曰夫卒時吾非不能死特以親老子幼不忍割棄耳堅貞自矢日儲鍼黹撫孤

成立復以女紅所得爲子成室並償夫夙債焉現年六十有三

武世英妻徐氏年二十八夫歿孝事舅姑慈撫幼姪現年五十有八

白如玉妻田氏年十九夫歿無子家貧守節事舅姑克盡婦道現年五十有一

侯進貴妻周氏年二十五夫歿守節撫孤克盡婦道現年五十有二

傅廷斌妻李氏年三十夫歿安貧守節撫孤成立現年八十有三

傅定國妻李氏年二十八夫歿無子家貧以女紅養姑

克盡婦道貞節不渝現年六十

王允武妻張氏年二十六夫歿守節現年六十有九

藍樹舉妻王氏年二十九夫歿守節現年八十有三

藍樹昌妻張氏年二十九夫歿守節現年八十有四

張會鶴繼室康氏年二十四夫歿守節孝事舅姑撫孤

成立現年五十有五

張翔翊妻溫氏年二十八夫歿守節孝事舅姑撫孤成

立現年五十有七

張繼福繼室趙氏邑增生雲章姪女也年二十一夫歿

子霽甫三歲氏少嫻家訓苦志撫孤事舅姑以孝聞嘉慶二十四年旌

杜九鳳妻張氏年二十八夫歿苦節安貞事親能孝撫孤最嚴不事姑息現年六十有四

常依中妻李氏年二十五夫歿茹苦忍飢家貧不能存活氏以十指謀生奉事孀姑至孝鄉里頌之現年六十有三

張德文妻韓氏年二十八夫歿性體溫柔孝事舅姑及姑歿舅得癱瘓疾朝夕服事尤加謹焉後夫與舅相繼逝氏以一人支持家務撫孤子成立現年八十有一

李翰元妻王氏年十九夫歿甘貧守節矢志靡他孝事舅姑撫姪成立現年五十

趙來文妻李氏年二十七夫歿青年守節孝事舅姑撫育孤子至於成立現年六十有八

壽陽縣志卷之十

風土志

歲時第一

正月元旦貼宜春字雞鳴起肅衣冠候神上燃香燭設

饌於庭以祀宅神燔柴草以當爆竹謂之接神已而

拜尊長及親友謂之拜年

馬首農言辰正拜年注指旦中言吳彥明說俗說元

旦接神即

接辰也 除夕預治食曰隔年飯五日晨起擔水入

甕謂之填窮剪紙作五窮婦送之謂之送窮上元前

後三日祀三官燈火輝煌鼓樂喧闐竝扮演雜劇相

戲謂之鬧元宵坊肆里巷俱於門首塑泥彌勒判官

獅子及棒槌等樣圍石炭焚之謂之塔火士女遊觀街陌竝入官署不禁謂之走百病十六日撞鉦擊鼓挨戶作鼓逐狀略如古人之儺謂之逐虛耗亦曰逐瘟夜燃燈燔柴如元旦謂之照虛耗二十日晨起擔水如五日謂之小填倉二十五日晝灰爲楸圍形中實五穀壓以石曰填倉自元旦至此婦女每以禁忌輟鍼工故有嫵婦盼正月之諺二月二日謂之龍擡頭日前夕將石灰圍垣屋以爲禁龍卵又用灰作窰中填五穀覆以石晨起開窰取穀以爲兆豐年三月一日起鄉賽以祈穀實雨澤其備肴饌演雜劇費輒

不貲清明日童男女剪綵成串戴之以爲飾蓋古綵勝之遺製五月五日取艾插門簪髮食角黍飲雄黃酒以辟邪佩綵錢謂之辟煞州志名百索孟吉名百歲索蓋古辟兵繒續命縷之遺製七月十五日剪綵爲縷挂於田禾上以爲辟雹災或曰辟五花蟲又蒸麪爲羊薦家神及場神河神八月十五日以瓜果祀月多竟夜燕飲謂之玩月九月九日飲菊酒佩茱萸登高以爲辟火災十月一日起鄉賽謂之謝齋亦曰秋報十二月八日以襍米豆爲飯食之謂之臘八粥鑿冰祀神竝置糞土上以爲禳來年旱災二十三日

晚以錫祀宅神燃香燭燔柴草略如元旦謂之送神
除夕多竟夕不寐謂之熬年蓋卽古之守歲而失其
意自二十四日至除夕嫁娶頗多謂之趕關歲關歲
卽臺官歲官交承之謂但歲官交承以大寒後五日
至立春前十日而言與此爲異耳關讀若亂舊志作
戀誤戀歲卽守歲之謂也

增刪
舊志

風俗第二

勤儉質樸勁悍少文大率居民務本者衆故耕農之外
別無生理近代以來兼資紡織而貿易於燕南塞北
者亦居其半故戶有蓋藏偶逢災歉則鄰境倉皇而

邑民安堵勤儉之效可覩矣若士則多出衣食粗足
之家屋少藏書故閱通淹貫不可多得而知稼穡之
艱不流奢靡畏輿論之訾鮮敢蕩踰間有奔競逐末
者人咸鄙之至鼓衆維持伺議時政者尤所罕聞蓋
猶存唐魏之遺風云

增刪
舊志

冠 成童則加帽三加之禮不行已久卽薦紳家偶行
之亦草草不能如制惟歲科兩試僅存已冠未冠之
名而已

以下
新增

婚 禮男年十六至三十女年十四至二十乃議婚今
男女五六歲卽議婚甚有襁褓爲婚者其始媒妁往

來通言合則主人書男年庚謂之庚帖兼備采帛等物納於女氏女氏亦書女年庚備書筆等物報之兼古納采問名納吉納徵四禮但失之過略耳以無雁故不奠雁若女氏貧者皆議值謂之采禮則直買婚矣及將嫁娶主人具盛饌邀女氏及媒妁以擇日謂之會擇略如古之請期已而主人備釵鈿衣服等物納於女氏謂之送嫁裝及期女氏更備裝奩謂之陪隨親送女於婿門婿則俟著侯庭而已即間有親迎者亦直爲觀美全非古禮有志復古者純帛無湯五兩御輪必期三周尙其儉而中禮哉

喪 古禮如儀禮及禮記喪大記所稱繁重難行此朱子所以有家禮之輯也壽俗貧者不能備禮無論已即富貴者亦不過髣髴萬一求其哀禮交盡者蓋寡而弔奠之容輒用鼓吹盛筵以待之若有必如是乃稱爲孝否則爲人所鄙嗤者失禮殊甚惟農家服制以三十六月爲斷雖未合二十七月立中制節之宜猶存忠厚之風云

祭 民間多無宗祠奉主於家元旦清明七月十五十月月初一冬至一歲墓祭凡五日而率多簡褻若清明添新土於墓翦素紙爲纒挂之謂之標墓前期引新

婦拜墓謂之上新墳又新葬親者三年內清明七月十五十月初一皆前一日掃墓亦謂之上新墳又十月初一以色紙剪作冥衣於墓前焚之謂之送寒衣猶有仁人孝子哀慟未盡思慕未忘之心云

按風行自上俗成於下俗固因風爲轉移者也卽以壽陽論有張公誠而士重詩書有藍公尙質而女知紡織有羅公錦而苞苴不行有申公傑而豪強斂迹有吳公詐昌而戶知佞佛之非人變輕生之習由是觀之風俗豈有定哉是在有移易之責者審所從事耳

物產第三

穀屬

梁

有稟曰禾其實曰粟其米曰粱北方混稱之爲穀惟一種米色極白者稱粱穀舊志粟粱

並出非是爲種甚多其苗有赤白之殊爾雅稷草薺赤苗苞白苗正謂此耳實有黃白赤黑諸色米有黃

白青諸色其一種性黏者別名軟穀爲實亦有赤有白而米色則皆黃壽陽氣候特寒穀雨播種秋分載

穫立苗之疏約一尺許得天時者既久食地力者亦厚故粒較他處獨大且堅云

稷一名稟稟字亦作粢播種最先又最高大故月令

謂之首種俗謂之高粱爲種亦多其黏者爲秫重

呼之則曰秫秫故俗呼高粱爲秫秫又呼秫秫爲軟

高粱其色赤故俗又呼紅粱羣芳譜云蜀黍一名高粱一名蜀秫一名蘆黍一名蘆粟一名荻粱以種來

自蜀形類黍稷故有諸名不知蘆荻皆象其形蜀黍爲秫秫之聲轉稭爲稷稷之聲轉而字因以譌耳若俗書蜀作蜀蜀戴侗六書故指此爲黍則又譌之譌者也陸清獻公靈壽縣志雖加辨析終爲舊說所迷惟國朝程氏瑤田九穀考除麥之外於諸穀辨之

最審其略云唐蘇恭誤解陶通明稷與黍相似之云
遂誤黍中求稷乃日本草載稷不載黍因以稷為
稷不知黍中之有稷猶稷中之有穠稻中之有杭北
方稷稷音相適稷奪稷名因謂稷稷一物而以黏不
黏分黍稷失之矣說文糜稷互釋稷亦多先種後熟者為大黍後種先熟者為小
黍種黍亦多先種後熟者為大黍後種先熟者為小

黍種黍亦多先種後熟者為大黍後種先熟者為小
之又有白黑紅黎之別俗混稱大黍為稷黍失
稻俗謂之黍大米

糜一名稷說文糜稷也是也北直呼為飯黍似黍而
不黏其種熟有先後亦猶黍之有大小也或以之
當稷失之糜黍穰皆可

菽即豆也豆本古食肉器名漢以後始名菽為豆此
乃聲之轉而字之譌假猶續寶同以賣聲而異讀
也有大豆小豆扁豆豌豆豇豆刀豆黑豆綠豆白豆
黃豆紅豆鼠皮羊眼各種而小豆又有赤黑綠三色
豌豆又有大小二種黑豆又有夏秋小大之別紅豆
亦名眉豆靈壽志云即南方羊眼豆又有赤白黃紫

數種其莢可為蔬舊

志菽豆並出非是

麥有春麥於春分前後種之有宿麥於秋分前後種
之皆至伏乃刈地氣特寒故也而為種各不相假

九穀攷以爲一種誤矣其一種無芒者謂之和尙頭
然百畝之中種麥者不過三五畝不足本邑之用故

有自直隸來者有自歸化城來者而有東勢北勢之
別焉又有草麥拐麥拐麥亦名大麥皆獲在夏至撈

依王氏筠說玉篇

無拐當作栗拐

幽麥一名燕麥以其出幽燕之地故名俗書幽為莜
或爲油讀燕爲去聲並誤莜與燕同且此麥無

油也種有早晚而穫亦因之其爲種則一而
已又有一種七十日即熟者別呼爲小幽麥

蕎麥穀之有稜者唐高承簡傳以莜爲蕎誤然爲物
絕不類麥而以麥名殊不可解邑地特寒凡穀

一年祇一種惟此於刈麥之田種之至秋分後可熟
又有一種六十日即熟者別呼爲小蕎麥又有苦蕎

苗葉花實皆與蕎麥相似而味較苦非以酸漿和之
不可食而種者亦絕少諸穀種植之法馬首農言

備載之
茲不贅

玉秫秫 莖葉似秫秫為實大而
有光澤似玉故名一
名玉菱菱蓋秫聲之轉而字之譌猶之菽椒

同从叔聲
而異讀也

麻 即大麻本草謂之火麻皮可為繩子可壓油食幹
麻可引火為物一種而其生有華而不實者俗謂之

華麻即禮所謂牡麻也有實而不華者俗謂之子麻
子或作芋或作苧即說文所謂麻母也又有蕘麻蕘

說文作縑皮亦可為繩
而不及火麻之堅紉

胡麻 一名油麻其實似脂麻而赤壓油可食亦可然
燈渣可糞田沈存中筆談云張騫始自西域得

來油麻種故又名胡麻或以之為黑脂麻誤黑脂麻
一名巨勝子見本草又脂麻壽陽亦可種而種者絕

少脂俗作芝譌又有西番穀種出西域苗
有赤白二種惟造錫者用之種者亦少
即黃者種出
熱則色黃故名然亦有生而
胡地故又名胡瓜舊志從俗以王瓜當之

蒹屬 黃瓜

誤王瓜一名土瓜見本草又
有菜瓜甜瓜香瓜絲瓜諸種

倭瓜 種類甚多相傳出倭國故名即
太原南瓜之屬俗譌倭字為窩

中瓜 平定謂之東瓜或稱北瓜太
原謂之西葫蘆有圓長之別

南瓜 亦有圓長之別其臭羶
又有翻瓜亦其類也

西瓜 邑產舊無此種所用皆自榆次
鮮食之邇來種者輒以數百畝
田為畝益之種植而費無算之費財
戰之風既甚瓜田不啻賭場其為害可勝
化之責者
有風

宜急禁之

葫蘆 本名壺象其形也見詩七月篇一名瓠傳云壺
韻葫蘆正壺音之切脚也

有長頸短頸細腰之別

茄 一名洛蘇有
赤白二種

蘑菇 即菌也俗呼為蘑菇感腐草腐木之氣而生種類之多不可殫述

果屬 柰 俗呼小果惟孟語尚存本名又有接果香果類蘋核本一聲之轉而其果

乃顯分二種 疑莫能明也

棗 本邑惟南鄉產之然不足用所用多自直隸平山贊皇等處來又有狗牙棗酸棗野生無植者

林檎 一名來禽其生於山者為實較小別呼山林檎

核桃 即本草之胡桃相傳出西域張騫得其種歸故名邑人植者絕少所用多自直隸平山及孟縣來

桃 有夏秋二種又有山桃生山中不中食

杏 種類甚多熟有蚤晚核有苦甜黏離之別

梨 有香水梨有瓜梨二種瓜梨耐久而不及香水之佳又有杜亦梨類但結實小而酸濇野生無植者

李 有赤白二種

榛 方山傍近諸山皆有之

石榴 邑地特寒此種皆益植之故無大樹而結實亦少

葡萄 葡萄為泡之切脚象形為名也漢書字作蒲陶有數種而以形如牛乳者為佳

木屬 松 山墳壇廟所在多有其木有赤白二種而赤者尤堅緻然以地磽瘠必近百年乃可成材

柏 山墳壇廟偶有植者其木亦有赤白二種亦以赤者為良而成材較松為尤難又有側柏掩柏皆其

別種

杆 植者尤少其木亦有赤白二種

檜 問一有之其實因年久形如子年象鼠頭丑年象牛頭之類亦可異矣

桑 有結甚不結甚之別其不結甚者俗呼為椹桑相傳鳩食甚而糞中之甚未化者其生則仍結甚其

甚落自生者則成穰桑然皆可飼蠶壽地桑少地氣亦寒發葉較遲又不知繅絲法故飼蠶者少然蠶種得暖而出若春時置於清涼之所則其出可遲而桑葉既生可及其食矣第所食甚多欲飼蠶者宜先廣植桑耳馬首農言云邑不飼蠶不種稻地氣晚寒或非所宜然唐魏風凡三言桑汾沮如詩鄭箋直以采桑為視蠶事鴇羽之三章曰不能藝稻梁其所藝固不僅黍稷也今太原池南郡縣多稻且有蠶織者邑之南鄉近亦有水田可種稻志載物產有桑有絲絹由來已久乾隆中余家從伯父樹桓妻張氏嘗飼蠶手織繭細數十年來此風寂然十畝之外閑閑泄泄豈盡闕地氣耶

槐 有黃黑二種子生者木理堅緻其萌生者遜之再萌者則又遜矣

榆 其木多病蛙蝕或謂於其幼也移地而植之則不患此

楊柳 楊有青白二種其青者又分大葉小葉二種二種一則枝上揚一則枝下垂亦若楊然古書多楊柳連稱說者遂混楊於柳失之矣又有杞柳多植於

田界以為拷栲簸箕諸器

椿 為木堅緻而色赤俗呼香椿以其葉之可食也此外又有樛亦椿類俗呼臭椿為木似椿而色白然與土檀楸栳皆自生山野耳要之壽土之木楊柳為多松次之榆槐又次之餘又以次而少而為用之廣以榆槐為最故有家有榆槐寸寸成材之諺

毛竹

藥屬 甘草 黃芩 地黃 遠志 俗名小 大黃 知

母 俗名馬 大戟 芍藥 蒼朮 牽牛 苦參 沙

參 一名鈴兒草 米殼 俗名萵苣 防風 葶藶 升

麻 薄荷 紫蘇 茵陳 柴胡 俗名羊 茅香 班

貓 蒺藜 車前子 郁李仁 酸棗仁 益母草

款冬花 蒲公英 蒼耳 艾 瓦松 王不留

行 夏枯草 何首烏 荊芥 黃精 蘆竹 牛

莠子 地骨皮 山查 紫花地丁 大小薊 落

花生 石膏 地龍骨 按通志壽陽物產止收沙參防風二物

花屬 紅白芍藥 紅白牡丹 葵花 紫荊、雞冠

山丹 鳳仙 石竹 玉簪 金盞 珍珠 萱

草 迎春 地曇 五色薔薇 菊 五色梅 長

春 探春 蝴蝶藍 馬藍 木槿 四季紅 水

紅花 荷包 即魚兒牡丹 夜合槐 金絲菊 金銀花

榴花 玫瑰 海棠

草屬 葦 蘆 萍 按藥屬花屬之中木本之外餘皆草屬他或土人能呼其名或不能

呼其名殆不可殫述云

禽屬 雉 鵲 山鵲 鴉 按即鳥也有純黑者鴉有紅喙者有白頂者鳩

燕 按有紫燕燕胡燕麻燕 鷓鴣 鷹 鵬 鳶 按俗名花鵝 鴿 鶉 雀

鶴 布穀 提壺 啄木 黃鸝 金翅

石雞 魚虎 雀虎 水鴨 河雞 醋雞 火燕

一名紅裙一名黃翅 榆葉 以上皆土人所能名者其不一名黃翅破頭菊花頭交嘴等每秋自他方來者

不並志又舊志有青鸚紅鶴今皆不知為何物

獸屬 虎 今無 豹 土豹 狼 狐狸 兔 有狗獾人

種 三 黃腰 獐 今無 貓 鼠 獺 鼠 狼 夜猴

黑老 各黎 按黑老各黎皆田鼠也

畜屬 牛 邑產特高大以耕作負重勝於常產四方爭販易焉然所產無多故亦禱用山牛韃牛畜

牧之法詳馬首農言

馬 羸 驢 三物皆自他處販易而來惟驢間有生駒者然亦無他異舊志謂邑產驢特高大與牛竝稱失其

實矣羸俗作騾 犬 種類甚多俗呼為狗說文云犬狗之有懸蹠者段氏玉裁云有懸蹠謂之犬叩氣吠謂之狗名異必

由實異莊子曰狗非犬 按犬之為字象其形也狗之言鉤因其交也段氏附會許說不可從牛馬羸驢

犬皆有功於人邑俗非殘廢及自死者不殺食狗見厚道之存然亦不若牲死則埋於禮為尤合耳

豬 糞以肥田故皆圈畜飼以糟糠必和以秣則多為順德府人買去以俗少衣之者也

羊 農家畜此類為糞田計無故鮮有殺者皮則多為順德府人買去以俗少衣之者也

雞 鵝 鴨 以食艱之故畜者既罕值亦因之而重故無故不殺也

蟲屬 蠶 蜂 蛇 蝎 蛙 蝶 蚓 蜻 蜓 蠨 蠹

蟀 蚰 蜒 吳公 蝎 虎 蛇 師 螢 蠅 蚊

牛 蟲 蠹 果 羸 蜘蛛 按此外土人不能

貨屬 絲 絹 按壽地本宜蠶而種桑者絕少故今不出有其實也餘互

詳木屬桑下 布 以棉花為之農人需此為多餘布鬻於北路有自

出為西布邑素不諳紡織明萬歷間知縣藍公始教之詳政蹟壽地寒棉花非其所宜舊志載之失實

羊 絨 溫也據此則絨當作氈俗作絨絨竝誤本邑所出較他處尤爽細說

者謂水草之氣使然

石炭

出西北諸山然質較多烟不及平定產佳又別有木炭即說文所謂炭也出北山

石灰

燒青石爲之出北鄉

沙器

出石門村甄瓦則所在皆有

磁器

出段王安勝諸村

柳器

出大小東莊諸村

葦席

出溫家莊小東莊孫家莊諸村亦有自太原來者較此爲劣其他日用諸物取資於他邑如油

則出神池利民等處本邑亦有之燒酒出榆次朔州等處本邑亦有之鹽上者出歸化城次者出應州徐溝等處醬上者出太原省城次者出歸化城本邑近亦有之繭出陝西神木等處鐵器出潞安孟縣等處田間鐵器半出本邑半出他邑木器亦然棉花出直隸樂城趙州等處

水利第四

通志壽陽民田多山坡旱地不能設渠

吳志壽水在縣南二里許盛夏山水暴漲河流上下皆赤惟壽水獨清開渠溉田可爲民利

明嘉靖間知縣申傑察土宜導山泉爲渠溉田數千

畝見政蹟申傑條注

邑孝廉鄭天寵說云壽陽向無水利惟南鄉韓村南有小河即洞過水俗名白馬河其源發於和順平定樂平

諸處自邑之羊頭崖鎮南向西流至鎮西名關頭河

會泉水小河乃大又至冷泉寺西與壽水合又至盧

家莊南與渦水合渦水甚微自過山出北流與小河

合至段廷村東歡喜嶺北水勢漸盛地亦漸闢有田
十數頃乃河南村段廷村韓村三村之地開渠灌漑
實始於乾隆二十五年也先是韓村段廷村北東村
之間有田十數頃雍正元年韓村開渠自建公村西
段廷村東葫蘆厓底接水灌田二年而渠壞乾隆五
十八年韓村貢生鄭景僑與村人復開此渠未成而
景僑卒至嘉慶二十二年其子生員天與又與村人
議自段廷村東隨河接水渠路有占段廷村地畝者
出租千五百錢其渠遂成又小河之南韓村河南村
南東村三村之地灌田數頃其渠則道光十四年始
開者也又北東村西落鎮南東村亦有水田十數頃
乃自韓村西接水灌注者名仁義渠邑之水利盡於
是矣

